



Tužilaštvo - Tužiteljstvo Bosne i Hercegovine  
Тужилаштво Босне и Херцеговине

**Broj: T20 0 KT 0025270 24**  
**Sarajevo, 10.07.2025. godine**

*Na temelju člana 35. stav 2. tačka e), te člana 216. stav 3. Zakona o kaznenom postupku Bosne i Hercegovine, donosim*

**NAREDBU**  
**O NEPROVOĐENJU ISTRAGE**

**Protiv:**

*Boračke organizacije Republike Srpske ...*

*u vezi anonimne kaznene prijave, dostavljene putem e-mail adrese ... zbog kaznenog djela Izazivanje nacionalne, rasne i vjerske mržnje, razdora i netrpeljivosti iz člana 145a. Kaznenog zakona BiH, iz razloga što iz prijave i pratećih spisa očigledno proizilazi da ne postoje osnovi sumnje da je prijavljeno lice učinilo kazneno djelo.*

**O B R A Z L O Ž E N J E**

*Tužiteljstvo Bosne i Hercegovine, dana 22.03.2024. godine, zaprimilo je anonimnu kaznenu prijavu putem e-maila ... od 22.03.2024. godine, protiv Boračke organizacije Republike Srpske ... zbog postojanja osnova sumnje da su počinili kazneno djelo Izazivanje nacionalne, rasne i vjerske mržnje, razdora i netrpeljivosti iz člana 145a. Kaznenog zakona Bosne i Hercegovine, na način da su dana 14.03.2024. godine na Facebook stranici ..., javno objavili tekst sa likom bivšeg komadanta Vojske Republike Srpske Ratka Mladića, a koja objava je prenesena i objavljena i na Facebook stranici Općine B.*

*Dana 08.10.2024. godine, Tužiteljstvo Bosne i Hercegovine izdalo je Naredbu za preduzimanje mjera i radnji Državnoj agenciji za istrage i zaštitu, kojom je naloženo da preduzmu mjere i radnje u cilju identifikacije lica vlasnika/ administratora Facebook grupe ..., te da kaznenopravne radnje koje su ta konkretna lica poduzimali kritične prilike, dovedu u vezu sa konkretnim objavama na navedenim Facebook grupama.*

Također je naloženo da se izvrši uviđaj na predmetnim Facebook grupama, te da se zadokumentuju sve relevantne objave iz kojih prozilaze elementi kaznenog djela koja se prijavljenim licima stavljaju na teret.

Tužiteljstvo Bosne i Hercegovine, dana 20.11.2024. godine, zaprimilo je akt Državne agencije za istrage i zaštitu broj... 15.11.2024. godine, sa prilogom Izvještaja o poduzetim mjerama i radnjama, broj: ... od 14.11.2024. godine, sa prilogom, u kojem se između ostalog navodi da je dana 15.10.2024. godine izvršen uviđaj na društvenoj mreži Facebook na nalogima ... Operativnim provjerama na području općine B., policijski službenici su identifikovali administratora Facebook grupe .... Nadalje se navodi da su policijski službenici obavili razgovor sa „(...)“, u kojem je isti potvrdio da je administrator predmetne Facebook grupe. Također, identifikovan je i administrator Facebook grupe ..., te utvrđeno da se radi o licu „(...)“.

Dana 26.03.2025. godine, Tužiteljstvo Bosne i Hercegovine uputilo je Zamolnicu za pružanjem međunarodne pravne pomoći nadležnom organu Sjedinjenih Američkih Država, kojom je zamoljeno da od pravnog lica „(...)“ Sjedinjene Američke Države (vlasnik društvene Facebook/Instagram) ..., dostavi obračunske podatke za korisnika društvene mreže Facebook „(...)“.

Tužiteljstvo Bosne i Hercegovine, dana 03.07.2025. godine, zaprimilo je akt Ministarstva pravde Bosne i Hercegovine, broj ... od 30.06.2025. godine, sa prilogom akta Ministarstva pravde Sjedinjenih Američkih država od 26.06.2025. godine, kao odgovor na navedenu Zamolnicu Tužiteljstva Bosne i Hercegovine.

U zaprimljenom aktu Ministarstva pravde Sjedinjenih Američkih Država od 26.06.2025. godine se, između ostalog, navodi da je dana 28.04.2025. godine Kancelarija za međunarodne poslove zaprimila gore navedenu Zamolnicu, u kojoj Zamolnici bosanskohercegovački organi su zatražili od organa iz Sjedinjenih Američkih Država dostavljanje podataka .... za sljedeće Facebook naloge: ...

Također, navedenim aktom se Tužiteljstvo Bosne i Hercegovine obavještava da nadležni organ Sjedinjenih Američkih Država neće biti u mogućnosti da izvrši predmetnu Zamolnicu, te se navodi da su zaključili da sporni jezik, kako je opisano u Zamolnici, predstavlja slobodu govora koja je zaštićena Prvim amandmanom Ustava Sjedinjenih Američkih Država, koji predviđa široku slobodu izražavanja i zabranjuje kazneno gonjenje za govor, osim u usko definisanim okolnostima. Ova temeljna zaštita se proteže na govor koji se može smatrati kontroverznim, uvredljivim ili pogrdnim. Shodno tome, Ustav Sjedinjenih Američkih Država ograničava radnje državnih organa Sjedinjenih Američkih Država za koje se može smatrati da ugrožavaju ove slobode izražavanja. Prema tome, bilo kakva radnja državnih organa Sjedinjenih Američkih Država za izvršavanje ove Zamolnice ne bi bila u skladu sa suštinskim interesima Sjedinjenih Američkih Država u pogledu ovog temeljnog pravnog principa Sjedinjenih Američkih Država.

*Cijeneći naprijed izloženo, odnosno činjenicu da preduzetim mjerama i radnjama nije bilo moguće utvrditi identitet korisnika Facebook naloga ... putem kojih su javno podijeljene sporne objave, kao i činjenicu da nadležni organ Sjedinjenih Američkih Država nije udovoljio Zamolnici Tužiteljstva Bosne i Hercegovine za dostavom podatka koji bi bili od iznimne važnosti za utvrđivanjem identiteta istih tih lica koji se terete za preduzimanje konkretnih kaznenopravnih radnji, Tužiteljstvo Bosne i Hercegovine je, u smislu odredbe 216. stav 3. Zakona o kaznenom postupku BiH, donijelo Naredbu o neprovođenju istrage jer ne postoje osnovi sumnje da je prijavljeno lice učinilo kazneno djelo.*

*U smislu odredbe člana 216. stav 4. Zakona o kaznenom postupku BiH, Tužiteljstvo Bosne i Hercegovine će u Zakonom propisanom roku obavijestiti podnositelja prijave o donošenju ove Naredbe i o mogućnosti ulaganja pritužbe protiv iste Uredu tužitelja, u roku od 8 (osam) dana od dana objave iste na oglasnoj tabli Tužiteljstva BiH.*

**TUŽITELJSTVO/TUŽILAŠTVO BiH  
TUŽITELJ**